

PIST. *Germen* turbinatum, sub receptaculo, hispidum, trigonum, angulis obtusis. *Stylus* filiformis, corolla paulo brevior. *Stigma* sensim crassius, obtusum, simplex.

PER. *Capsula* turbinata, basi contractior, hispida, rugosa: disco plano, cineta calyce; trilocularis (Dehiscentiam nescio, licet plurimas viderim maturas); foramina feminalia observare potui nulla.

SEM. numerosa, minutissima, oblonga, nitentia.

Facies fere cujusdam *Sherardia*.

An *Trachelium* potius ob Corollam, stigma & Capsulam.

II. DIGYNIA.

HERNIARIA.

16. HERNIARIA fruticosa caulibus lignosis, floribus quadrifidis.

Herniaria fruticosa viticulis lignosis. (*C. Baub. pin.* 382.)
Tournef. inst. 408.

Polygonum Herniaria foliis & facie, perampla radice.
Baub. hist. 3. p. 378.

Polygonum fruticosum erectum hispanicum. *Barr. ic.* 713. *bona.*

Habitat in montibus vulgo del Espartal & de las salinas juxta Cienpozuels copiose.

Radix crassa, digiti minoris crassitie, tortuosa, plerumque superficialis, longa, procumbens, hinc inde caules prorens, submolliter lignosa.

Caules tortuosi, ramosissimi, erecti vel procumbentes, usque spithamam longi, cortice transversim rugoso, inæquali: ramis frequentissimis, patentibus, foliis acervatim onustis.

Folia opposita, brevissima, minutissima, oblonga, obtusa, plana, glabra: fasciculo ex alis semper prodeunte foliis minimis, confertissime glomeratis, linearibus, crassis, obtusis referto, adeo ut appareant glomeruli accrosi, oppositi totos ramos & caules occupantes.

Stipule simplices, interfoliaceæ, oppositæ, minutissimæ, acutæ, lacerae, membranaceæ, subalbæ.

Flores